

近代中國史料叢刊三編第三十三輯
沈雲龍主編

時

務

報

時務報館編

十八二十四册

光緒二十三年元月一三月

文瀾出版社
有限公司印行

光緒二十三年正月二十一日

時務報

第十六冊

The Chinese Progress

時務報第十八冊目錄

論學校五續法通議三之五 幼學

論亞洲宜自為唇齒

新會梁啟超撰

總署議覆盛京卿條陳摺並恭錄 諭旨

餘杭章炳麟撰

總署請設鐵路總公司摺

盛京卿宣懷 擬辦鐵路說帖

浙撫廖分派各府縣時務報札

嶽麓院長王益梧祭酒購時務報發給諸生公閱手諭

歐亞氣運轉機論續第十七冊

英文報譯 香山張壽波來稿

中國通商各口廿一年分商務情形續十七冊 論蘇杭交涉之棘手 俄國西伯利

亞鐵路工程 西伯利亞鐵路 海底照相 尋船新光 泗水新機 電光攝

影奇觀 腳踏火龍 雨不落地 西國考場舞弊 審斷暗律致死事續十七冊

路透電音 桐鄉張坤德譯

東文報譯 日本古城貞古譯

中國邊事論續六冊 論丁稅 論地稅 英增擴陸軍議 俄築鐵路 論法俄

同盟 法俄專約可疑 英報評俄皇抵法 美總統致國會書 分割土耳其

議 論社會續十冊 濠鏡製礮

譯紐約講學報人工與機器論 青浦朱開第來稿

時務報館文編

華英辭源

新編華英辭源

華英辭源

英華辭源

英華辭源

英華辭源

英華辭源

英華辭源

英華辭源

英華辭源

英華辭源

英華辭源

英華辭源

英華辭源

英華辭源

英華辭源

英華辭源

英華辭源

英華辭源

英華辭源

論學校五

變法通議三之五
續第十七册

幼學

新會梁啟超撰

四曰問答書。古人言學，皆以學問並舉。孟子曰：有答問者，蓋學者由外入，問者由內，出其得力，蓋有問焉。顧問之記曰：善問者如攻堅木，先其易者，後其節目，不善問者反此。蓋問亦非易言也。古之教者，恐人之不善問也，故傳記之體，代其問而自答之。若春秋之公羊穀梁傳，易之文言傳，大戴之夏小正傳，莫不皆然。管子有問篇，西人皆代人設問，西人啟蒙之書，專用問答，其餘一切書，每篇之末，亦多附習問。近譯之筆算數學數學啟蒙，皆代數備旨幼童衛生編，會史記等書皆有之。蓋人之讀書，勢不能盡所讀而悉記之，則必提其要者，然書中要義，未必人人過目，即能提出，故莫如著者代攝而讀者自記。此著書之良裁也。西人問答專書，譯成善文者，有卜妨濟之啟悟要津，言天文地理學淺理，次第秩然，一覽可解，惜為書甚少。於他種學問，尚從闕如。中亦多被教誨。今宜畧依歌訣書之門目，條分縷晰，由淺入深，由繁反約，一一設為問答，以發明之，以歌訣為經，以問答為緯，歌訣以助其記，問答以導其悟，記悟並進，學者之能事畢矣。凡善著書者，取義靡不宏富，而既講體例，又講文法，故條理隱伏，讀者易眩，苟擲而剔之，不值思索耳。余以為雖繁重詳博，如古文尚書疏證，明堂大道錄等書，使為問答以演之，每書不過千字，其義已可大明。凡所言問答書，故畫天下有用之學，而編以問答為書，不出二十本，崖畧即已畢。

具此爲加通一切言之若欲學子雖有下質十五歲以前此編當可卒業魁碩者復茂此淹通矣又師範學校未立求師爲難既有此編則雖冬烘學究亦可按圖索驥依所問以謀其徒吾所謂盡天下之學究而教之此亦其一事也

五曰說部書古人文字與語言合今人文字與語言離其利病既甚言之矣今人出語皆用今語而下筆必效古言故婦孺農吐靡不以讀書爲難事而水滸三國紅樓之類讀者反多於六經寓華西人亦讀三國演義最多以其易解也夫小說一家漢志列於九流古之士

夫未或輕之宋賢語錄滿紙佞地這箇匪直不事修飾抑亦有散意存焉日本創伊呂波等四十六字母別以平假名片假名掃其土語以輔漢文故識字讀書閱報之人日多焉今卽未能如是但使專用今之俗語有音有字者以著一書則解者必多而讀者當亦愈夥自後世學子務文采而棄實學莫肯辱身降志弄此楮墨而小有才之人因而遊戲恣肆以出之誨盜誨淫不出二者故天下之風氣魚爛於此間而莫或知非細故也今宜專用俚語廣著羣書上之可以借關聖教下之可以雜述史事近之可以激發國恥遠之可以旁及輿情乃至宦途醜態試場惡趣鴉片頑癖纏足虐刑皆可窮極異形振厲末俗其爲補益豈有量邪

六曰門徑書學者於以上五種書既已致力則可以覃精六籍汎濫羣書矣顧四庫

之編已如煙海。加以古逸。加以近著。更加以西書。汗萬牛。闢億室。數十寒暑。能讀幾何。故非有以導之不可。四庫提要。於諸學門。徑畧具矣。惟書頗繁重。童蒙憚焉。啟超本鄉人。嘗不知學。年十一。游坊間。得張南皮師之輜軒語書目。各問歸而讀之。始知天地間有所謂學問者。稍長。游南海康先生之門。得長興學記。俛焉孜孜從事焉。南海先生復有桂學各問。甲午游粵。西歲甲午。余投學於粵。曾爲讀書分月課程。以告桂人士者。其言較長興學記爲切近。訓門人。近復爲讀西學書法。以各問者。皆演師友未說。靡有心得。童蒙之求。所弗辭耳。仁和葉瀚爲讀書要畧。條理秩然。蓋便初學。學童鼓篋之始。依此數書。當有塗徑。嚮者每欲蒼卒。中外古今。爲羣學源流一書。以教學究。恨學淺才薄。僅成數篇。海內君子。庶幾成之。嘉惠來者焉。

七曰名物書。西人有書一種。此土譯考。命之爲字典。其最備者。至數十巨冊。以二十
六字母編次。古今萬國名物皆具焉。故既通文法者。據此編以讀一切書。罔有窒矣。
中土歷古。未有是書。楊氏方言。意蓋近之。今且用其意。盡取天下之事物。悉行編定。
以助學者稽檢之用。如云君天下者。三皇謂之皇。五帝謂之帝。三代謂之王。秦後迄
今謂之皇帝。皆謂之君。亦謂之后。亦謂之辟。亦謂之上。蒙古謂之汗。或謂之貝勒。回
部謂之沙。俄謂之沙。突厥謂之蘇魯丹。日本謂之天皇。西藏謂之贊善。歐洲諸國謂

之木那克亦謂之愛伯勞亦謂之塞佛倫亦謂之爾路派亦謂之金亦謂之伯理璽
 天德云云其餘一切並同斯例大抵官制地理兩事最為繁博其餘各門殆易易耳
 學者既通文法明大義苟得此書則可以盡讀羣書無不能解者其所譯定西人名
 概即可為他日國語解之用編譯西書名號參差宜做連金元二史國語解之
 例整齊畫一公定譯名他日續譯者毋許更易雖非
 徒蒙拾之助而學童得此其成學更事半功倍也以上諸書册輩中多言其不容緩
 者南海康先生草定凡例命啟起
 局於澳門聯合同志共襄斯舉擬先成識字文法歌訣問答四種今歲夏間即當脫
 稿由澳門廣時務報館印行
 其名稱一書亦已開編矣

西文西語之當習今之談洋務者莫不言之矣雖然有欲學焉而為通事為買辦以
 謀衣食者有欲學焉而通古今中外窮理極物強國保教者受學之始不可不自審
 也今沿江沿海各省其標名中西學館英文書塾以教授者多至不可勝數彼其用
 意大抵若前之說而已其由後之說者則槩乎未始有聞也昧者以為是西學將興
 吾謂若輩之所為於亡中學則有餘至西學之能興與否則非吾之所敢言也吾聞
 西國學士非通拉丁文者不得與試蓋拉丁文者英法俄德諸文之所從出彼中績
 學之士其著書發論篇中每帶拉丁文法如中國之能文者
 多用先秦漢魏語若未經從事者讀之多
 不解焉 聖祖仁皇帝每日召西人入內授拉體諾文二小時拉體諾即拉丁也今

之學者。每於學英法文將成之時。始習拉丁。然聞之。由英法以上追拉丁。則學之甚難。由拉丁以下通英法。則學之甚易。故學童受學之始。以先習拉丁爲善。云又嘗見西人習華文之書。大抵皆日用應酬口頭常語。其究心訓詁義理者絕少。故西人之族中土者。多能操華言。至其能讀書者希焉。能以華文綴文著書者。益希焉。雖由華文之繁雜。亦由彼之學者不得其書也。今之教授西文者。其蔽亦坐是。故造就通事。買辦則有餘。培養人才則不足。有志於是者。宜學彼中學人之所學。毋學此間市井洋傭之所學。先其文言。後其俚語。則庶幾矣。

記曰。十年出就外傳。學書計。六藝之目。禮樂射御書數。是知古人於數計一學。與書並重。無人不學。無人不能。後世俗儒。鄙爲小道。不復厝意。較近有顯此以名家者。則又羣推爲絕學。皆陋之甚也。今宜令學童自八歲以上。卽授之以心算。漸及筆算之加減乘除。通分小數。比例開方等。及幾何之淺理。令演之極熟。稍長以後。以次授代漸積稍深之法。事半功倍。年未弱冠。可以以鳴人鳴於時矣。

論亞洲宜自爲唇齒

餘杭章炳麟撰

天地以五大洲別生分類。一區之中。人民禽獸不相越。必有人焉。整之齊之。君之師之。魁之桀之。聖王因其教制其宜。不易其俗。故自唐堯以來。以長海烏拉橫爲戎狄。

以絕亞歐以區黃人白人然而天地之運無四千年無亢龍絕氣故放於東海放於西海其不能不相逼者期會然也夫這則何病也地體華離犬牙相錯其本氏於歐洲其標末於亞洲於是乎震旦病亞洲之國西有印度南有巫來由族制於佗人威靈所不及其在邊裔突厥之受侮與中國等亦不能爲我利害也處於溫帶者中國爲大東迤千餘里海隅之國日本爲大由二國之北溯甘查甲以上尾大而掉俄羅斯爲大然以赤縣之地近在肘掖可以相倚依者闔亞洲維日本往者中東有違言將率失律師喪而地分諸簪筆持牘者莫不瞋目語難冀得當一雪恥雖以窮髮之國鑿於朔方忘其欲噬密與爲盟誓背同類而鄉異族豈不左哉昔興亞之會俄自日本此非虛言也中依東東亦依中冀支那之強引爲唇齒則道可以敵泰西近可以拒俄羅斯而太平洋澹矣不幸中國刑弊有其實不練有地藏不啟有學校不教受侮鄰國惟北方尤甚彼觀其意且欲盜黃海以爲己屬日本壞地相屬而懼俄羅斯之逼處也曰甯我薄人無令人薄我鋌而走險雖有瀛海之阻則凌之雖有金城之塞則陷之故先發難於朝鮮遼東以揜俄羅斯所未舉非其黷武冀自救也使中國生其霸心發憤圖自強綜覈名實使卒越勁使民愨愿使吏精廉彊力日本將親睦之不暇而又何寇焉使中國不生其霸心不發憤圖自強不新制度隨俗雅化

惟舊章之守雖無日本猶蠶食於俄羅斯何恥之可雪且國家不早自振厲以稍陵夷至於謹詭之中乃欲自張大斯不亦違乎夫句踐之臣吳也猶有報志也蜀相之結吳也無報志也彼慕容魏則吳不得怨故覆於南郡燼於白帝再控之忿而不敢復焉宋與女貞宗嗣之痛也引蒙古以滅之終自戕敗廟算失也故地處其逼勢處其陘九世之仇而不敢復焉何者兩熊之鬪敗者引援以自助則身先鬻也今中國無深長慮欲一快心日本密約俄羅斯以爲繫援至於膠州屯軍吉林築路齊魯與東三省將爲異域悲夫乃者法俄合從南北爲羅且夾溝而彫我我在亞洲猶魚之濡沫於九罟雖日本亦有戒心焉爲今之計既修內政莫若外暱日本以禦俄羅斯兩國虜候迆道於東海勢若橄欖無相負棄庶黃人有援而亞洲可以無躓難者曰方今觀微之士以爲中國羸病稔十年而仆雖與日本結其何瘳乎曰夫發憤爲天下雄則百年而不仆怠惰苟安則不及十年而亦仆吾所議者爲發憤者言也非爲怠惰苟安者言也夫苟怠惰苟安雖有形勢若旅順之阨馬尾之險可以失之發憤而爲雄而後以鄰國犄角爲可恃也不然則一飯之頃已潰敗決裂矣安能十祀

總署議覆盛京卿條陳摺 並恭錄 諭旨

奏爲遵 旨安議具奏恭摺仰祈 聖鑒事光緒二十二年九月二十六日軍機處

抄交候補四品京堂盛宣懷。餘陳自強大計。暨設立達成館。並開設銀行各摺片。奉旨著軍機大臣總理各國事務衙門戶部妥議具奏。欽此。臣等查原奏內練兵一條。所稱近年中國既糜餉千餘萬以養綠兵。復糜餉千餘萬以養練勇。計各省實存綠兵練勇八十餘萬人。更新而不去舊。無此財力。制兵而不盡。非善治軍。宜將天下畫分十鎮。海疆邊疆爲重。腹地僻地爲輕。堅強樸實之地多徵膏腴柔脆之區少選。悉酌西法。簡練新兵三十萬人。就各鎮形勢輕重差等。兵數多寡徵選。戶籍可積年在二十以上。二十五以下。體質身幹合格者。錄爲常備兵。入營教練。期以三年。退爲豫備兵。亦期以三年。退爲後備兵。亦期以三年。退爲民兵。期以五年。除其兵籍。自豫備兵以下。平時在家服農。有事以次徵集。豫備兵每年一次。召集屯營。與常備兵合操。後備兵每年一次。召集便宜地方。使之演習。皆視道理遠近。給予路費。民兵不合操。後備者皆免本戶徭役。每歲十月。由各鎮揀派選兵官。分赴各屬。會同州縣驗集操。在籍者皆免本戶徭役。每歲十月。由各鎮揀派選兵官。分赴各屬。會同州縣驗選合格者。註於籍。隨時徵充。常備壯者入營。而老者退籍。老者退而壯者又復入營。歷三年。而一兵之餉得二兵之用。歷六年。而一兵之餉得三兵之用。九年以後。歲額三十萬人之餉。常得一百二十萬人之用。各鎮營制餉章統歸一律。各營槍礮器械統歸一式。舉綠營勇營悉去之。以其歲餉三千餘萬。而練常備兵三十萬人。重訂餉

章歲約不逾二十萬兩其餘以備洋教習薪水豫備後備兵調探路費等用計無不足等語臣等查添練新軍必須寬籌的餉上年臣戶部籌款奏內奉旨令各直省將綠營兵額裁七留三嗣經先後奏到除山東請減五成自本年始陸續裁汰將每年節存餉項銀數開單奏咨辦理奉旨允准外其餘各省所裁兵數多寡不一現已時閱年餘辦理情形究竟若何均未據續行奏到擬請旨飭催各直省將裁減兵數及切實辦法速行奏明毋得仍以含混延宕之詞一奏塞責近來內外軍務均已平定如江南之榆關撤回各營陝西之善後防軍固應一律盡裁卽直隸之練軍旅順之毅軍長江之內河水師亦擬請旨飭令分別核實裁減以節虛糜以上二項騰出之餉專款存儲以備添練新軍之用以目前情形而論亦只有就北洋袁世凱聶士成兩軍及江南自強軍湖北洋操隊將西法切實講求認真訓練悉成勁旅俟裁減兵勇節省銀兩核明確數再行逐漸推廣盛宣懷所奏分畫十鎮簡練三十萬人舉綠營勇營悉去之約計海疆邊疆已屬不敷分布而腹地僻地過形空虛亦非所宜且三年退換一弛不張諸多窒礙應請毋庸置議至各營槍礮宜歸一律內外臣工條奏多持此說本年七月督辦軍務處奏請飭下劉坤一張之洞將新製槍式彼此較準畫一辦理迄今尚未覆奏相應請旨飭催並令將上海湖北兩局

廠。每日可出快槍若干枝。每枝合價銀若干。迅速具奏。其理財一條。所稱欲求足國。先無病民。欲收商利。在挽外溢。加稅之議。聞洋人以釐金爲詞。蓋窺我國用之細。必不能停收釐金也。應機決策。莫如徑免天下中途釐金。加關稅爲值百抽十。令彼無所藉口。釐金既免。即仿行西國印稅之法。辦理得宜。計加收之關稅。新收之印稅。合之當倍於釐金。西人通商。惠工之本。其樞紐皆在銀行。中國亦宜仿行。及另片所奏。遴選各省公正殷實之紳商。舉爲總董。招集股本銀五百萬兩。先在京都上海設立中國銀行。其餘各省會口岸。以次添設。由商董自行經理。摺內又謂墨西哥國。以九成之銀鑄錢。運行中國。易我十成之銀。威耗以億萬計。近來廣東湖北北洋南洋。先後鑄造銀圓。分兩輕重。悉准墨銀。既不能廢兩爲圓。各庫出入。仍需元寶。必致無銀可鑄。擬請在京師特設銀圓總局。以廣東湖北天津上海爲分局。開鑄銀幣。每圓重京平九成銀一兩。再酌鑄金錢及小銀錢。使子母相權而行。凡出款俱用官鑄銀幣。各省關收納地丁錢糧鹽課關稅釐金。俱收官鑄銀幣。元寶小錢概不准用。惟收款仍照庫平十成銀計算。庫平較京平定以每百兩加平六兩。十成銀較九成銀。每百兩應加色十兩。除各庫上兌津貼銀一兩。定以每百兩加色九兩。如應交庫平足銀一百兩者。實收銀幣一百十五圓。無高下輕重之別。無減平扣色之弊。以每年度支

八千餘萬兩計之。戶部約用盈餘平色銀一千二百萬兩。較向來各省撥解平餘多收當不下十萬等語。臣等查各省設卡抽釐爲近來入款之一大宗。如果洋稅可以加至值百抽十。將釐卡一律裁撤。非惟入款足以相抵。抑且體恤商艱。無如值百抽十之議。各國多方齟齬。尚未定局。且釐金爲我自主之權。洋貨可免。土貨未能一律全免。印花稅雖擬仿行。將來辦理。能否得法。亦無把握。此徑免釐金之說。此時未便遽行者也。至開設銀行一節。業已奉旨責成盛宣懷選擇殷商。設立總董。招集股本。合力興辦矣。其所稱開鑄銀圓。酌加分兩一節。是以維持利權之一策。臣等公同商酌。亦擬責成盛宣懷。俟銀行辦成後。准其附鑄一兩重銀圓。以十萬圓爲率。先在南省試行。如果可以流通。毫無窒礙。再由戶部妥議章程。奏明辦理。其育才一條。所稱西國人才之盛。皆出於學堂。中國各州縣。一時未能徧設。宜令各省先設省學堂一所。教以天算地輿。格致製造。汽機礦冶諸學。而以法律政治商稅爲要。先設武備學堂一所。教以築壘測地。槍礮製造。彈丸發送。隊伍分合。馬騎控御諸學。而以兵法戎機。有勇知方爲要。文武兩科。不能盡改舊制。似宜專設一科。裁天下之廣額。爲新學之進階。明定功令。使文武學堂卒業者。皆有出身之正途。齊仕進於科第。則聞風興起。有志之士。無不自奮於有用之學。並另片所奏京師及上海兩處各設一達成

館取成材之士專學英法語言文字專課法律公法政治通商之學兩館各以三四十名爲額京官取編檢六部司員外官取候補候選州縣以上道府以下令京官四品以上外官三品以上各舉所知出具切實考語保送另一簡大臣考取分發兩館每年一切經費約需銀十萬兩由盛宣懷所管招商輪船電報兩局捐集解濟各等語臣等查學堂之設已由臣總理衙門於上年十一月議覆御史陳其璋所奏請旨飭下沿海將軍督撫於已設學堂者量爲展拓未設學堂者擇要仿行及本年七月議覆侍郎李端棻奏請推廣學校摺內令內地各府州縣或就原有書院量加程課或另建書院肄習專門業經先後奉旨允准通行各省遵辦至武備學堂現已設立者僅有南北洋數處自應酌量推廣擬請旨飭下各省將軍督撫體察情形能否於各省省會中一律添設之處妥籌辦理至所稱在京師上海兩處各設達成館一節自係爲急求人才起見應請照准此事爲國家重大之舉所有常年經費擬由戶部籌定的款按年撥給未便如盛宣懷所奏由招商電報兩局集股解濟以崇體制至館中一切章程及應送何項人員入館肄業之處俟建造房屋落成請旨簡放大臣後再行詳議具奏所有臣等遵議各緣由是否有當伏候聖裁再此摺係軍機處主稿合併聲明謹奏